



59582

Mag. St. Dr.

kat.komp.

Seraph.

Teol. 5083.

Sublimitas ignis seraphici seu Sublimis Se-
raphici Doctoris Divinissimi Bonaventurae
decora -

Biblioteka Jagiellońska



stdr0001684

SVBLIMITAS *2. Ama.*
IGNIS SERAPHICI

S E U

S U B L I M I A
SERAPHICI DOCTORIS

DIVINISSIMI
BONAVENTVRÆ

D E C O R A

per utramque

Virtutis & Sapientiæ

Sphæram

In Ecclesiâ AA. RR. PP. Ordinis Minorum

S. FRANCISCI Conventualium

Ab Vno è Societate IESV

Oratoriâ Panegyri

D E D U C T A.

P O S N A N I Æ.

Anno 1686. 14. Julii.

Superiorum permisso.


Typis Academicis Societatis IESV.

LIBRARY
OF THE
MUSEUM OF
ART AND
ARCHAEOLOGY



28582
III





ORATIO

PANEGYRICA.



Vod summum est, aliquando non fuit. Rosa, ante purpuram, vile germen: ut erubescat, non semper ita floruisse, & ad folia spinasq; ætatem expectasse. Quos hodie miramur Appenninos, Pelion, Ossam, pulvis aut arena fuerant: cæteri q; quos jam nec Gigantum attollat manus, * *Ex atomis tumuere montes.* Fluvij Oceanum aucturi, parvâ funduntur origine: fons illorum unico transmittitur saltu, levi folio turbatur, solâ exhauritur manu. Ægyptiæ Pyramides, & facturæ umbram soli Babylonis Turres, quot, quanti q; lapides, antequam tanta moles! quoties artificem passâ manum, saxa, ut tollerentur in Colossum: quoties ferri mallei q; subierunt ludibria, ut orbis miracula dicerentur. Nos ipsi mortales, quantum cum primo nostro assurgendi à terrâ luctamur fato! Obsecramus naturam lacrymis, imploramus vagitibus, ut nobis liceat crescere, jactatisque malè dexteris palpamus infantes, quâ pateat via nobis, ad sublimitatem staturæ. Diu humi serpiamus, diu abjectorum instar animalium repimus, & vix homines sumus, antequam viri. Quanta demum hæc tot petita ærumnis proceritas! excussus pede nostro pulvis, latius, altiusq; spargitur, quàm ipsis nobis assur

gere liceat. Quantumvis sublime, necdamus, scimus
sero nos crevisse: cumq; simul maximi, recordamur,
diu nos fuisse parvos. **IGNIS** hæc **SERAPHICI**
SVBLIMITAS est, nescire intervalla crescendi. Cæ-
pit aliquando **D. BONAVENTURA**, & hoc, quod
inceperit, quantum est! Confudit initia nascendi, ma-
gnitudine: coegitq; nos dubitare, utrum, qui simul &
statim tam magnus fuit, aliquando inceperit. Mirata
est, se talem edidisse Natura, & nisi edidisset, despe-
rasset, talem edere se potuisse. Quanquam præver-
tit admirationem illius **BONAVENTURA**, nec mi-
rari licuit eum maximum esse, nisi postquam fuit.
Tunc demum aspexit manus suas Natura, seq; ipsam &
vires suas de illo interrogavit; fuitq; ei difficillimum,
de tanto sibi opere respondere. Oblita enim jam fu-
erat se tales parere posse, quod post multa retro sæcu-
la, nullum illi similem genuisset. Ita, obruta fuit in-
solentiâ partûs, neq; quem orbi dedisset, assequebatur,
ut jure ambigamus, utrum Terris illum concederet, si
doni magnitudinem intellexisset.

Vix se mortalium exhibuit aspectibus, Viro si-
milior visus, quàm Infanti, prodigio propior, quàm
homini. Quâlibet Sapientiam despumabat lacry-
mâ, singulis vagitibus consecrabat auras, primo ab imis
visceribus ducto anhelitu spirabat Seraphinum. Sed
quò me tristius avertis fatum! cerno Seraphicum In-
fantem occumbere, non nasci, non reclinari cunis, sed
sepulchro efferri. * Nascitur semimortuus **BONA-**
VENTURA, & propè est, ut **IGNIS SERAPHI-**
CVS ante lucem extinguatur. Quid portenditis Su-
peri? terris illum ostendetis tantum, non dabitis? Do-
ctorem Laureis, Infulis Antistitem, Senatorem Pur-
puræ, Virtutibus eripitis Angelum! Scimus, quò
vestra vos vota stimulant, quò audax trahit facinus;
Aufertis illum, non invitatis, ne terræ habeant, quod
illis

illis cœlum invidere possit. Quare ipsi Tibi **BONA
VENTVRA** lethi festinationem imputa: abstinet su-
as à Te sustinendo manus Natura, quòd religioni si-
bi ducat, tantam Tui Sanctitatem contingere. Quan-
quam, cùm Te ita excedere finit, dubitat, utrum, si vi-
vas, ingentem **DOCTORIS PRÆSVLISQUE** Spi-
ritum alere sufficiat. Ipsa formidat Tellus, ne demum
impar sit ferendæ magnitudini Tux; ignara quòd eun-
dem Te portaret semper, cui nihil præter annos po-
terat accessisse. Cæterum, qui sic decedit, non habet,
ubi in terris vestigium ponat, terris major. Ita Tel-
lus hæc, quæ Senecæ videbatur punctum, * **BONA
VENTVRÆ**, aut nihil, aut puncto minus est. Di-
cam quod sentio: scivit, quantum Superi procul or-
be nostro distarent, ad quos festinato itinere contende-
bat. Haud dubitarent Terræ, quod, eas grandior de-
spiceret, quas, jam tunc, cùm vix posset vivere, potuit
contemnere. Ideo, natus, semivixit, quòd indignus
esset orbis, cui totus viveret. Semimortuus est, quia
mori totus non poterat. Dimidium vitæ mundo in-
tulit, quod corruptissimo sæculo grave esset, integerri-
mam illius vitam suspicere. Verum enim verò impe-
tus hic **IGNIS SERAPHICI** erat, quo terris altiores
involabat Sphæras. Erigere ad Zodiacum Dive In-
fans! hic Tibi patria est, Flamma Cœlestis: hæc Te
Innocens Astrum Lactea poscit via: hæc majorem ho-
minibus Semi-deum sibi vendicat regio. Sustine,
tamen adhuc paulisper terras, priusquàm Te siderum
attollat plaga; etsi propior terris instar Cometæ ar-
deas, nunquam fatalis mundo eris. Pluris Tui nobis
viciniam, quàm nostra æstimamus commoda. Hi-
lareseite oculi ad fortunæ vestræ spectaculum! vivit
BONAVENTVRA, & ne solus ante lacrymas rise-
rit Zoroastres, infantili suo insultat fato. Altiùs effulsit
IGNIS SERAPHICVS, quàm ut cum umbra sepul-
chra.

chralis attingere, vel atra mors violare posset. Neq;
expectavit annos ad proceritatem, jam tunc in Py-
gmaeo Gigas, Hercules in pusione, in puero Atlas, qui
labantem fulciret Ecclesiam, totius Christiani orbis su-
stineret axem. Nullo egebat, quo auctore, innocens
aut probus esset: seipso, hoc est, more Ignis, in subli-
mia ferebatur. Impleverunt sinum ejus maximæ do-
tes, priusquam eas recipere posse crederetur. Vi-
dit cum SERAPHICI FVNDATOR ORDINIS, &
laudavit, dignum commendatione, antequam laudare-
tur. Ponite jam stylum Oratores, filete Vates, nihil
hic ausit Cyrrha vel Latium, cui longe illustriorem Vm-
bria Laudatorem FRANCISCVM dedit. Plinius
Trajanum, Constantinum Nazarius, Pacatus Theodo-
sium, Theodoricum laudavit Ennodius, postquam o-
mnes laudibus suis antiquiores essent: quod præstabi-
lius est, adhuc puero BONAVENTVRÆ panegy-
rim dixit FRANCISCVS. Dixit, *Magnum fore in Eccle-*
sia Numinis, Virum; & quid de illo nisi magnum pro-
ferret! etsi jam antea maximus erat, antequam nobis
aliqua spes de magnitudine illius offerretur.

Rapit me ad se Tuum BONAVENTVRA
Nomen, omnia complexum, quæ mortalibus face-
re votum possunt. Quæcunque Superi terris bo-
na sparserunt, quemadmodum favos Hybla, Nilus
fontes, rosas Pæstus, Tuo nomine collegisti. Ne-
mo nominare potest BONAVENTVRAM, quin
omnium in uno bonorum recordetur. Hic Te D.
PRÆSVL appellat, qui omnium decorum meminit:
ut olim Pij Religione, Leones magnanimitate, aureâ
facundiâ Chrysostomi monstrabantur; quæ omnia uno
isto nomine continentur, ut meritò, quibus Tu Exc-
dris Doctor, Pontifex Tiaris obtingeres, * *Omnia sibi*
pariter Tecum bona venisse gratularentur. Ita, quidquid
bonorum latè porrigitur, unico nomine Tuo, velut in-
cendio

cendio absumpsisti. Neq; hoc sufficit, quod omnia
Tecum nobis offeras, restant Tibi adhuc, quæ post
omnia nobis polliceris. Ita singula nobis *Bona* por-
ventura prospiciamus. Et hoc est, more Ignis arde-
re, inflammare omnia, & post summa, ultra niti, altio-
ribusque adhuc fastigijs imminere.

Sub ALEXANDRO ALENSI posuit rudimen-
ta eruditionis, neq; potuit erudiri, nisi à Magno inter
universi hujus Magistros Alexandro; ut intelligas Su-
blimitatem ejus, quod instituendo non sufficit, nisi or-
bem triumphet Scientiâ, & velut Reges inter, Mace-
do, Magnus sit inter Doctores Alexander. Sed tamen,
alijs omnibus major, Te solo minor est: qui tantum
post Te Homines relinquis, quantò propiùs Numi-
ni viciniam posuisti. Postulaverat

à BONAVENTURA AQUINAS, quos tracta-
ret codices, quæ scientiarum lustraret monumenta?
Extulit digitum DOCTOR SERAPHICVS, &
quâ movere manum nisi ad sublimia non posset,
ostendit suffixum Cruci Deum; monstravit THO-
MÆ vulnera, hoc est, Abyssum Abyssus aperuit,
hiantesque Numinis cicatrices, suam bibliothecam
indicavit. O nobilem Dei-Hominis Hippocrenen!
lympidiorem Caystro, pretiosiore Gange, omni
Virgineâ Castali puriorem! Ite Pactoli! cœlestes
ite Eridani! felicius BONAVENTURA, *Fontes Sal-*
vatoris bibit. Quantum hoc est D. DOCTOR?

ultra homines Te effers, & Deum attingis. Infra Te
est, quod Deus non est, superasq; quod Sapientiâ mi-
nus est. Quanta hæc Sublimitas Tua! Numen Te in-
stituit, & ut illecebram faciat diligentiae, seipsum Tibi
legendum exhibet. Ne imponat Tibi modestia Tua,
ad vestibulum Te Sapientiæ hæsisse: ipsam, per vul-
nus Lateris, regiam irrupisti. Crede amicam Tibi

Sapientiam: ad latus Te admisit. Nemo, illius amor, Te vicinior est: quod pretiosissimum habuit, hoc est, Cordis volumen Tibi aperuit. Profecit Deo Auctore **BONAVENTURA**, & ut omnes superaret, didicit, quæ sibi Deus dictavit. Non invidit Achilli, quod sub Chirone, Leonum medullis aleretur: ipsa etiam Numinis viscera, legendo, depastus est. Quantum ab his robur scientiæ! quanta doctrinæ vis! evexit se supra mortalium ingenia, & ut nemo sufficeret illum intelligere, Deum ipse intellexit. At parum fuit folum Numinis pectus sibi patere: tinxit ipsos in sanguine calamos, ut quod scriberet, Verecundia & consanguinea Deo Virtus scripsisse videretur.

Concepit Honori Deiparæ Librum, quem **CORONAM VIRGINIS** meritò appellari voluit, quod illam calamo quoq; suo coronare dignus esset. Quamquam cum illi hoc literarium imposuit sertum, suis Reginam Fastis elegit, ut latius imperaret. Altero volumine **SEX ALIS SERAPHIM** instruxit, quod ipsos edocere Angelos posset, quod altius evolarent. Nisi putes ipsum hunc Seraphinum nostrum, pluribus, quia sex, eguisse alis, ut tantam Sanctitatis suæ efferre ad Superos posset majestatem. Inter reliqua, quæ innumera sunt, Seraphica Opera, unâ feliciq; junxit lubricatione, **ITINERARIUM** ad **DEVM** & ad **SEIPSUM**: ut constaret, proximum post Deum, ad **BONAVENTURAM** iter esse. Quamquam insolens id ac novum, itinerarium meditari ad seipsum: nisi dicas, distare illum à seipso, & latè porrectam magnitudinem ejus, Virtutibus, veluti magnis quibusdam milliaribus distingui. Extendit se supra se, neq; unquam attingere se posset, nisi seipsum sibi insolitâ demissione inclinaret. Tantus est **SERAPHICVS BONAVENTURA**, ut se totum conveniat ipse, ingens illi ad seipsum iter suscipiendum est.

Mutavit Togam illius Purpurâ Gregorius X, &
quia jam invenerat talem eminentiâ Virtutum, decla-
ravit tantum, non fecit Eminentissimum. Accepit eum
Antistitem Alba: cui alteri Præsulum Doctorumque
Gemma, quàm Albæ debebatur. Habes **INTEGER-**
RIME BONAVENTURA, Urbem niveis moribus
Tuis concolorem: habes Tux theatrum Innocentiæ
in civitate Candoris. Sed Modestissimus Præsul cre-
didit iterum ad Albam lapidibus pluere, cùm ad se
Præsuleam delabi cerneret dignitatem. Immò levius
illi fuisset, gravissimo peti saxo, quàm trabecâ, maluis-
setq; Albanis montium jugis, quàm Insulæ caput sub-
mittere. Minus ex integro Divi corpore, Hetruriæ
rupes elicuissent sanguinis, quàm Pontificius murex, ex
modestissima facie, ruboris expressit. Quanquam,
nemo illum irrubuisse vidit, ne vel sic dedisse in se lo-
cum purpuræ videretur. Ita se totum assiduis exhau-
serat jejunijs, ut neq; tantum illi cruoris reliquum esset
in venis, quantum ad tingendam rubore frontem satis
esset. Ergo totus ad oblatam sibi expalluit trabecam, ut
nisi constitisset, jam antea talem fuisse, ab illius vultu
traxisse colorem Alba crederetur. Postquam verò ad
ipsius Urbis constitit mœnia, existimavit se, in fatalem
Modestiæ suæ scopulum impegisse. Non suum magis
Prometheus expavisset Caucaſum, quàm ille ad Albano
rum intuitum murorum suæ timuit demissioni. Diu
quin etiam luctari debuit, cogereq; oculos, ut aspice-
rent, quòd hos illi Albæ dignitas disgregasset. Sed fru-
stra es **ANTISTES RELIGIOSISSIME**: non utiq;
Verecundia Tua, ita, oblato sibi duram se præbebit
Honorì, ut ad has Albæ rupes frangi non possit, aut sal-
tem poscentium Te Civium Tuorum lacrymis emolliri.
Immò si diutius repugnas, Tergemini Horatij Curatij-
que (quorum hic ingens fortitudinis Mausolæum est)
excusso surgent tumulo, & versis in Te conspirabunt ar-
mis.

mis. Gloriosius ducent, pro suo nunc Antistite, quàm
olim pro totius securitate Latij decertare. Sed Tu,
neq; conspectis mortuorum Manibus terreri potes ad
honorem, qui nihil ipso magis honore formidabas.
Hinc aut Deus, aut Dei Vicarius esse debuit, qui Te ad
Purpuram cogeret, Infulasq; . Verùm ascende jam
Albania^æ juga, in quæ, Tua Te pietas deducit: neq; e-
nim aliter, quàm lacteâ Virtutum viâ, Albam attigisti.
Conscende Eminentia^æ Tuæ solium, vel sic, supra He-
truscos positus montes, futurus Eminentissimus. Pate-
re, Te hic interim à Civibus Tuis collocari, qui quòd Te
cælo adhuc inferre non possunt, propiùs admoverunt.
Emicat D. BONAVENTURA, & ne solius Sicilia^æ
Vesuvius aut Ætna ignibus suis colluceant, etiam Alba-
norum fastigia montium, SERAPHICVM supra se
extulerunt IGNEM.

Ingens oborta tempestas, malaciam Ecclesiæ tur-
baverat, scilicet infestum Orthodoxæ fidei, Græcorum
Schisma, honorem Altarium, Templorum securitatem,
infelici discordiâ distrahebat. Quid faceret Sanctissi-
mus Gregorius X? celebravit Lugduni Senatus-consul-
tum, vocavit Bonaventuram, hoc est, dissidiorum er-
rores ad Seraphicum Ignem exploravit. Instituat con-
tra Romanos Amilcarem Annibal, contra Gothos Sti-
liconem expediat Theodosius, Iphicratem opponat Æ-
gypto Artaxerxes: ipsius Vicario Numinis, occurrit
præter Bonaventuram nemo, cui securius Ecclesiæ
propugnandæ integritas crederetur. Neq; diu tenu-
it discordis ferocia Græciæ: omnes ad Seraphici lucem
Ignis patuerunt doli, ut apertius vincerentur. Citiùs
rebelli sectæ manus adstrinxit, quàm ut eas contra Re-
ligionis sancita erigere posset moveretq; . Ita sta-
tim illa Erebi Hydra, ad Seraphicum Ignem, multi-
plex posuit caput. Quod si affirmante id Lucano, *

Pacem summa tenent - - - ; quanta Tui Eminentissime

** lib. 2.*

Præ-

Præsul tunc Sublimitas fuerat, cum altissimam toti latè orbi Christiano dispensares pacem. Ad primos vultus Tui radios, ceu ad lapsos cælo fulminum ignes hæc Ceraunia coaluit gemma, discordium unio animorum. Sed *

Heu faciles dare summa Deos, eademq; tueri

Difficiles! - - -

Iam variantis Græciæ studia composuerat, & augusta Religionis solennia, Petri Annulo consignaverat: licuit aliquid morbo, iusque datum in Præsulem Innocentissimum infirmitati. * Plura passus est deliquia, quod unum satis non esset, ut appareret, magnum in terris Sidus eclipsari. Et qui toties pondere in casum trahi visus, etiam corruisset, si cadentem capere tellus totum posset, aut nisi SERAPHICI natura IGNIS esset, sursum ferri. Cum sic viribus deficeret, argumentum erat, eum, Lugdunensi Comitio, omnes vires suas posuisse. Scilicet, minoris jam suam ducebat sanitatem, quod discordes Græcos ad saniores revocasset mentem. Etiam agere animam optabat, ne aliquando nil pro Deo agere videretur. Verum EMINENTISSIME BONAVENTURA, quotiescunq; annuebas capite, orbem rueret tecum timuimus. Nec sic tamen Tibi abijcere Te licuit: etiam cum toties victum infirmitati caput submitteres, nunquam Te hominibus æquasti. Sublimior eras, quam, ut quantacunq; Præsulei Verticis demissione, adhuc supra homines non emineres. Nunquam cecidisses lecto, si præ pertinacissimo auri argentique odio, Scipioni Tuo Pontificio, niti voluisses. Sed Tu fato malebas occurrere, quam ab opibus aliquam poscere opem, ne pretio vitam deberes, omni major. Qui orbis gaudia & omnium lætitiarum risusq; populorum sustinebas, neq; aurum vel argentum in Tui causâ expalescere voluisti. Video Seraphicum Ignem, ceu Antonij Pij fulmen lecto impositum! Neque Tibi

* Lucan: l. 1.

* Biverius l. 5. c. 3.

ANTISTES MAXIME, hæc ruina detrahitis: * *pro-*
cubuiſti, majorq; jacens Tua magnitudo apparuit. Orbis
 Te non capit, ſi aſurgis: ultra Zodiacum & aſtra, ca-
 put efferis, ſi rectus ſtare velis. Tanta eſt **EMINEN-**
TISSIME PRÆSVL ſublinitas Tua? ſuperior fa-
 to Tu es, ipſiq; Te Empyreo Tuæ infererent Virtu-
 tes, niſi eas graviffimæ infirmitatis pondere affixas le-
 cto teneres. Cum per ægritudinem non liceret ori,
 applicuit lateri Euchariftiam, tamq; illum profundè
 ambivit Numen, ut ad cor ipſum penetraret. O So-
 lum fertile *Frumento Electorum*? o Aram *Ignem conſumentem* Deo
 collucentem? viliores huic jam ſunt orbis deliciæ, poſt-
 quam cor Tuum aſumpſit. Tu tamen **SERAPHICE**
ANTISTES non potes non eminere, qui ipſius Nu-
 minis attigifti ſphæram. Umbrâ turræ, cœlum pu-
 teo, integrâ Cyclopem pinu, Te, ipſo metimur Deo.
 Excedis orbem hunc, poſtquam Eucharifticum Orbem
 complexus es. Sed heu me, Tuumq; Lugdunum, cui
 Tu **PONTIFICIVS LEGATVS**, Albam cui **VIGI-**
LANTISSIMVS ANTISTES, Romam cui **EMI-**
NENTISSIMVS CARDINALIS, Lutetias quibus
DOCTOR SERAPHICVS, Orbem deniq; univer-
 ſum, cui Tu **BENEVOLENTISSIMVS** Pater ob-
 tigifti. Iam Te ultra mortalitatis porrexifti metam, &
 major mortalibus, mortalis eſſe deſiſti. Credo equi-
 dem, quamdiu Lugdunenſe teneret Comitium, ipſos
 quoq; conſilium iniſſe Superos, an Te mori ſinerent,
 qui Religionem erga illos, terris immortalẽ relinqui-
 ras. Stetit contra Te ſententia, quòd ipſam quoq;
 cœlo vitam offerres, ne illud aliquo indonatum mune-
 re præterires. Proximum, Tuo Lugduni Comitio,
 Tibique, vivendi finem, tempus attulit: ut conſta-
 ret Te in fidei cauſâ occumbere. Nempe ut hæc per
 Te propagata, latiùs terras occupare poſſet, Tu
PRÆSVL MAXIME, terris exceſſiſti. Tantam-
 jura-

juraveras egestatem, ut nullius nos nisi fidei solius he-
redes scribere posses. Ritè omnia Galliam credere
docueras, unum credi non poterat, nisi esses mortu-
us, quòd mori posses. Dicam quod fuerat: ideo fi-
nito decessisti Concilio, quod illi Latinorum Græco-
rumq; Patrum coronæ, nil pretiosius relinquere po-
sses præter unionem. Nemo collocatos feliciter à Te
in hoc fidei Senatus consultum labores Tuos Superis
referre poterat, nisi Tu illos ipse fidelis sincerusque
narrator adiisses. Illuc Te Supremum novissimum-
que hoc facinus Tuum evexerat, ut movere pedem
nisi in cælum non posses.

Obijt D. BONAVENTURA, anno ætatis quin-
quagesimo tertio, hoc est, annum excessit Iubilæi, tam
procul ab indulgentiâ, quàm procul à noxâ. Horis
matutinis, quod eum puderet, tardè sese ad Superos si-
ve è lecto sive è terris proripere. Scire tamen licet,
quantus occumbit: * flevit eum Gregorius X. Tan-
tu Sanctus dignius fletu non poterat, quàm à San-
ctissimo. Credo, quòd ipsum flere non posset Numen,
flevit illius in terris Vicarius. Ita cecidisti altius E-
MIJENTISSIME PRÆSVL, quàm opinari licet;
ad superos ipsos & Summum in terris Pontificem cla-
des Tua pertigit. Hoc quoq; cum reliquis Ignibus
commune SERAPHICVS habet IGNIS; adhuc fer-
tur in sublimè, etiam cùm videri desijt.

Iam ducenti, ab obitu DAntistitis, fluxerant anni,
cùm lustrato tumulo, integrum illius illæsumque CA-
PVT profertur. Tantum restat de PRÆSVLE
ALBANO, de SERAPHICO DOCTORE. Cæ-
ca mors non vidit, quid terris relinqueret, etiam hoc
sublatura, si manibus suis complecti totum potuisset.
Majus illis exuvijs pondus erat, quàm ut quibuscunq;
viribus possent ultra orbem nostrum asportari. Ma-
lè nobiscum divisissent Superi, nisi saltem Caput nobis

reliquissent. Hoc unum manere debuit, quo, ereptis
 terris **BONAVENTURA**, posteritati venturisque æta-
 tibus interesse posset. Scilicet, Trojæ Sagunthique
 incendia residuo cinere, exusta Herciniæ nemora fu-
 mante adhuc titione, mortuum Leonem ungue, extin-
 ctum Gigantem humero, Solo **SERAPHICVM DO-
 CTOREM** noscimus Capite. Huc literarum adyta,
 Scholæ Parisiorum, huc totius Athenæa orbis? omnia
 ab hoc uno Capite vobis polliceri licet. Hic grandè
 Sapientiæ augustal, omnis ærarium scientiæ, totius The-
 ologiæ haberis emporium. Nec elingue mutumq; cre-
 dite Caput, ad quod, ita surda profecerunt marmora,
 ut illud felicitati nostræ integrum reservarent. Quan-
 ta hæc **SERAPHICI CAPITIS** gloria! nil contra il-
 lud mors ausa est, nil avaræ licuit Libitinæ. Edax re-
 rum Tempus, absumere illud non potuit. Nemo mor-
 tuus triumphum egit, in sepulchro vicit nemo; **D. BONA-
 VENTURA** inter funera triumphavit. Tunc
 erat, ut etiam jacens, toto, supra mortem & fata,
 emineret Capite. Hæc est **IGNIS SERAPHICI SVBLIMITAS**,
 quovis fato ipsoq; Tempore, u-
 periores esse. Sed jam ad Vos **RELIGIOSISSIMI R-
 DINIS SERAPHINI**, mea delabitur oratio; proximum mihi ad
 Vos post **BONAVENTVRAM** iter est. Ita **DIVOS MAIO-
 RES VESTROS** refertis, ut felici metempsiarchi, illorum re-
 diisse in terras animum suspicemur. Hoc tantum Vos inter di-
 scrimen est, quod unum **IOANNEM SCOTVM** Subtilissimum
 appellaveritis, omnes sitis. Ita Theologico præstatis studio,
 ut palam sit, reliquum Vobis **BONAVENTVRÆ** Caput esse,
 & adhuc, ingens apud Vos Scientiarum Capitulum excitari.
 Immo si Vestra Vos præ aliis volare sineret Modestia, cernere-
 mus alatos Seraphinos. Hæc de Vestro **D. Antistite**, si-
 mulq; de Vobis **SERAPHICI PP.** quod vno cum **BONA-
 VENTURA** vivatis Capite. Si quid hæcenus de
 utrisq; minus splendidè, & calamum & operam
SERAPHICO IGNI devoveo.



30. 11. 58.

